

Apòkrifë - 45

- Chcała Wa Lédze, gwiozdkã òbòczëc?
A skądkaż òna je? Nè z Chwaszczëna
Pòjta do bëna, je młodzowi ùpiekli
A, wa z kòlãdã... Wa ze szpetòklã...

- Jem Straszny Kórń bez Òka
Widzã ten a nen swiat
Krëjamnym jem lëcëprowim przestojnikã
Jegò zdrzeniem, jegò lëgòtã na dësze...

- Hó, hó, Straszny Kòniu
Pòsłëchòj szandarowégò pòlétu
Hewò je czòrnò tròwa niezgarë
Naczkòj-że téz të!

- Jesmë Cepłi Strëch a Zëmnò Baba
Tlëczemë kórcwiã pòkrokù
Statecznëch a prawëch
Sromimë sã za mësłzłacëch jinaczi...

- Prëcz, prëcz, na lewi bòk!
Zaszëmiã wama drzewiãta-nipòcãta
A pòdmùsze wiater wòlny mësłë
Znikwi kłòdci pòprawnoscë!

- To jò, Kùra Ùbëtkù,
Co dzobiã procëm-chajowi bezpiek
Zniesã wama jaje miru
W skòrëpã zabòczeniò òbùtë...

- Fërr, fërr! Jajownico
Falszëwi cuszë
Wez-że zatrëkòj na kraje wsë
Chëbné pióro schrónieniò!

- Jesz jò, Gòdowi Szãtopiërz
Zaspiëwóm ò Jezësu Żëdze
Sadnita na ruczzi cerplëwòtë
A wëszipëcujta ùszëska cekawòtë...

Jule lu. Allelu - pòrzknął szandara
A surpnął tżëskã grzëbòwi...

Tómk Fópka, Lëzëno, 21 gòdnika 2023 rokù, gòdz. 5.11 p.p.